

يقطة قلب | #الغرفة_الدعوية | د. حازم شومان

حازم شومان

السلام عليكم ورحمة الله وبركاته. أخواني واحبابي أخواتنا الفاضلات الكريمات. ربنا يبارك فيكم ويحفظكم يا رب الصوت واضح؟ الحمد لله الحمد لله. ربنا يحفظكم ويسددكم يا رب. نسأل الله سبحانه وتعالى أن يستعملنا ولا يستبدل بنا. اللهم استعملنا ولا تستبدل بنا - 00:00:00

الله استعملنا ولا تستبدل بنا. اللهم سامحنا على تقصيرنا. اللهم سامحنا على غفلتنا. اللهم سامحنا أهنا على غفلتنا. أخواني واحبابي أخواتنا هنتكلم النهاردة عن سورة الغفلة يا جماعة. هنتكلم عن السورة اللي اتكلمت عن الغفلة اللي عالجت قضية الغفلة - 00:00:24

قضية ان العاصي الاخطر ولا الغافل؟ العاصي اللي بيذني يا جماعة ممكن يذني النهاردة ويختنق بكرة ويقول عايز اتوب. ولكن الغافل اللي هيموت على الفلوس اللي هيموت على الشهادات. اللي هيموت على الدنيا المباحة. واحد يجري وراها يجري وراها. ما هوش حاسس انه بيعمل جريمة. فما بيسوتش. العاصي بيفوق. بيختنق من نفسه - 00:00:44

لكن الغافل لا بيفوق ولا بيختنق من نفسه. عشان كده الغفلة اخطر من المعصية. الغفلة اخطر من المعصية. سورة قاف يا أخواني في الله. تعامل مع الانسان اللي مش منتظر مع الانسان اللي ما بيفكرش. مع الانسان اللي ما بيحسبش حساب ان فيه اخرة. عشان كده ربنا سبحانه وتعالى بيقول وجاءت سكرة - 00:01:04

الموت بالحق. دي لحظة من لحظات الاحتضار. الاحتضار ده ساعة طلوع الروح. طلوع الروح ده وصفه ايه؟ ما حدش فيينا يعرف يا جماعة زي الموت كده. هو هو يعني مهما تخيلنا - 00:01:24

مهما تصورنا ما حدش يقدر يعرف لحظة الاحتضار دي شكلها ايه؟ انما سورة قاف بتتكلم عن لحظة الاحتضار. سورة قاف بتتكلم عن كل المشاهد اللي ممكن تعلم اليقظة قلب اللي ممكن تصحي قلبك. اللي ممكن تصحي قلبك وجاءت سكرة الموت بالحق. ذلك ما كنت منه تحيد. فيه ناس بتتكلم واحد مين اللي بتتكلم - 00:01:34

والله اعلم. ولكن اهنا عارفين الميت. اهنا عارفين اللي هم بيكلموه. اللي بيكلموه ده اهنا في لحظة من اللحظات لما بنموت. فيبيقى الكلام لي ذلك ما كنت منه تحيد فيه ملايكه بتكلمه الله اعلم ربنا بيكلمه الله اعلم. اللي بيكلموه ملايكه رحمة ولا عذاب الله اعلم. ونفع في الصور ذلك يوم - 00:01:54

صعب. طب ما انا عارف يا رب ان هو يوم الوعيد. الملائكة بتقول لي كده ليه؟ كان يعني هو ده اليوم اللي انت ما كنتش بتفكر فيه. يعني تعريف تعريف - 00:02:14

كيف المعرفات يا جماعة؟ لما ربنا يقول وما ادراك ما هي؟ نار حامية. يا رب ما اي نار حامية. يا رب ما انا عارف ان جهنم نار ونلاقيه نار حامية. لا ده كان النار - 00:02:24

في غير اي نار قبل كده. يعني كان في ناس محتاجة انها تسمع الكلام البديع عن الدار الآخرة. من كتر ما غفلة كانت غافلة عنه. ذلك بك يوم الوعيد زي ما كانوا كده زمان في افلام الجاسوسية يجيروا بعد ما قبضوا على جاسوس يقولوا له هي دي مصر. يعني هي دي مصر وهم راكبين الطيارة بقى وبيفرجوها على البلد بعد - 00:02:34

لما قبضوا عليه هي يعني هي دي مصر لأ ده بيوخذوا ضميره. الملائكة بتؤخذ ضمير الغافل. بتقول له ذلك ما كنت منه تحيد. الموت - 00:02:54

اللي انت كنت بتحيد منه الموت اللي انت كنت بتهرب منه. اهو الموت جا لك اهو وهو بيموت. طب يوم القيمة ذلك يوم الوعيد. هو ده 00:03:04

في اليوم اللي ما كنتش بتعمل حسابه. وجاءت كل نفس معها سائق وشهيد. لقد كنت في غفلة من هذا. ايه اسلوب التبكيير ده يا جماعة؟ ذلك ما كنت ذلك يوم الوعيد لقد كنت في غفلة من هذا لأن كل مرحلة من مراحل القيمة ده البعث. عارف يعني ايه البعث؟ ده القبر - 00:03:14

عارف يعني ايه القبر؟ ده الحشر عارف يعني ايه الحشر؟ طب ما انا عارف ان ده البعض وده القبر وده الحشر ما كنتش بتفكر فيه ما كنتش عامل حسابهم ما كنتش في يوم من الايام متخيل انك انت - 00:03:34

هتبقى في اللحظة دي عشان كده الملائكة بتعرفه يوم القيمة لانه ما كانش بيفكري فيه في لحظة من اللحظات اصلا يا جماعة. لقد كنت في غفلة من هذا فكشفنا عنك غطاءك. زي واحد متغطي الغفلة غطاء ومعي عليه. فبصرك اليوم حديد. وقال قرينه - 00:03:44

هذا ما لديه عتيد. القوانين اللي هو قوانين الملائكة بقى. اللي هو الملك اللي كان موكل انه يعزب الخير. هذا ما لديه عتيد. يا رب العتيد في في الاجرام اول ما الملك يشهد عليه القى في جهنم كل كفار عنيد. مناع للخير معند مرقب. الذي جعل مع الله الها اخر فالقياه في العدو - 00:04:04

العذاب الشديد كل ده كلام ليه وكلام عليه؟ كل ده كلام ليه وكلام عليه؟ قال قرينه ربنا ما اطفيته انا يا جماعة اللي مستغرب منه جدا في الايات ديت قارين الملائكة فيقوم يتغلب يا رب هذا ما لديه عتيد. ربنا يحكم عليه القية في جهنم القية زي كيس قمامه بيترمى كده من بكلونة القية في جهنم. وبعد كده يقوم قايم - 00:04:24

فين بتاعه اللي هو صاحب السوء بتاعه يا اما قرین الجن يا اما الانتيم بتاعه الانتيمه الانتيم بتاعها في صحبة السوء. قال قرينه ربنا ما اطفيته انا اللي مستغرب لك - 00:04:44

جماعة يعني الملائكة قاعدة تقول له ذلك ما كنت منه تحيد. ولملائكة قاعدة تقول له ذلك يوم الوعيد. ولملائكة تقول له لقد كنت في غفلة من هذا وقرین الملائكة يقول هذا ما لديه عتيد وقرین الصحابة السوء او قرین الجن او الشيطان اللي كان بيحاول يصل له يقول ربنا ما اطفيته هو فين يا جماعة - 00:04:54

هو اللي كل الكلام ده عنه فين ؟ يعني تخيلوا انكم بتتفرجوا مسلا على فيلم لقيتوا واحد واقف وناس قاعدة تقول له هي دي عاقبة اللي انت عملته. وبعد كده فيه محكمة والاصل - 00:05:14

وقد يتكلم وهو ساكت وبعد كده الشهدو قاما وهو ساكت. وبعد كده في واحد قام يدافع عنه وهو ساكت. وبعد كده في واحد قام يتجرأ عليه وهو ساكت. وبعد كده خدوه اقتضوا له - 00:05:24

قبل المشنقة وهو ساكت هو فيه ايه! هو ساكت ليه! اللي شو صورة قاف بتتكلم عنه! ساكت ليه! اللي صورة قاف كل الاحداث بتدور حواليه! ساكت ليه! عارفين ساكت ليه؟ لانه عمره ما فكر في الكلام ده من الصدمة اللي هو فيها. من الذهول اللي هو فيه. من الذهول لم يكن يتخيّل ان هذا سيحدث في يوم من الايام. كان رامي - 00:05:34

قضية الآخرة ورا ضهره كان مكبر ما كانش بيفكري فيها. قضية خطيرة قوي يا جماعة. كم واحد ماشي في الشارع دلوقي بيفكري في الآخرة؟ كم واحدة ماشي دلوقي وبتفكر في اليوم الآخر - 00:05:54

وكم واحد ولا بيفكري في الآخرة مطلقا ولا عامل حسابها. فيه ناس بتزن ان التفكير في الآخرة ده حاجة يعني ايه من الارهاب مسلا من التطرف مسلا يعني هم كويسيين بدون ما يفكروا في الآخرة بدون ما يعملوا حسابها صورة قاف سورة الغفلة وعاقبة الغفلة ولكن تعالوا ناخدها كده يعني ناخد - 00:06:04

شعارات منها. تعالوا قبل ما يعني نحاول ان احنا نصلي بها ونعرضها على قلوبنا. تعالوا ناخد شعارات منها. اول شعار القرآن المجيد المجيد صاحب الامجاد. القرآن صاحب الامجاد سبب مجد الامة كله هو القرآن. سبب آآآ ابو بكر وعمر هم القرآن. لما بمسك كتاب

اقول ده دليل من ادلة معجزات اعجاز القرآن. ليه؟ لأن اللي صنع الصحابة هو القرآن. كتاب الصحابة بطولاتهم بتبهمني انا شخصيا بالقرآن. لأن مين اللي عمل البطولات دي هو القرآن؟ والقرآن المجيد امجاد القرآن اللي خرج الصحابة امجاد القرآن اللي بنى مجد الامة. انما القضية هنا يا جماعة لما سورة قاف تتكلم عن القرآن - 00:06:44

والصورة اللي قبلها سورة الحجرات بتتكلم عن عام الوفود. بتتكلم عن قبائل العرب كلها وهي جاية للنبي عليه الصلاة والسلام. تطلب منه ان هو يقبل منها اسلامها والعرب جايين نفسهم يسلموا ونفسهم يقربوا من النبي عليه الصلاة والسلام. ويفهموا الدين ويتعلموا الدين. يعني سورة الحجرات بتتكلم عن اعظم لحظة فتح - 00:07:04

النبي عليه الصلاة والسلام عاش قبل ما يموت. سورة قاف اسود واسود لحزة غلق. النبي عاشها في مكة في عام الحزن يا جماعة.

سورة قاف نازلة في عام الحزن. طب - 00:07:24

يجيب صورتين ورا بعض بالمنزد ده ليه؟ صورة بتتكلم عن الفتح الدعوي الرهيب والفتح المهول في الواقع وبعدها على طول سورة بتتكلم عن عامل حزن بنتكلم عن ده اللي اتبهدلها الصعبه في عام الحزن عن الاندى اللي ا تعرض له النبي عليه الصلاة والسلام في عام الحزن كان المعنى لما يفتح عليكم في الدعوة اوعوا تفكروا سبب الفتح ايه اوعوا اوعوا تنعوا - 00:07:34

سبب الفتح ايه؟ اوعوا تنعوا ان ورا الفتح ده كان فيه قرآن هو اللي بناكم هو اللي ربكم هو اللي غيركم هو اللي صنعتم اوعوا تفكروا القرآن. اوعوا تنعوا ان القرآن كان هو السبب في اللي انتم فيه ده. اوعوا تنعوا بان عامل حزن والفترات الصعبه اللي عدت عليكم. لولا القرآن ما - 00:07:54

انتم صبرتم عليها ولا كنتم ثبتتم عليها. فتقليب بعد صورة الحجرات بقى الفتح المبين في سورة الحجرات. تفاجأ قاف والقرآن المجيد بل عجبوا ان جاءهم منذر منهم ياه! رجعنا لعام الحزن تاني. رجعنا لمكة تاني. لأن ربنا بيقول لنا اوعوا تنعوا التربية. اوعوا تنعوا القرآن. اوعوا تنعوا - 00:08:14

ال حاجات اللي هي السبب في الفتح اللي انتم فيه. دلو قتي مهم فتح علينا يا اخواني. مهم فتح علينا هنغلط تاني وهنعمل زي قبل خمسة وعشرين ينایير. لما فتح في الدعوة والفضائيات سينا التربية وسيبنا الاخوة وسيبنا المساجد وسيبنا احتضان الاخوة في التربية دفعنا التمن غالى بعد خمسة وعشرين ينایير اما - 00:08:34

فتح وما لقناش حد يشيل وما لقناش رجاله تشيل وما لقناش ناس على مستوى انها تشيل الامانة. هنغلط تاني لأن المعنى مهم فتح عليكم اوعوا تسيبوا التربية مهم فتح عليكم اوعوا تسيبوا القرآن مهم فتح عليكم اوعوا تسيبم الارتباط بكتاب الله والقرآن المجيد.

الوقفة الثانية - 00:08:54

في قول الله سبحانه وتعالى ودي وقفه خطيرة جدا. افلم ينظروا الى السماء فوقهم؟ فوقهم يعني ايه؟ ارفعي راسك بس لفوق. هتبصي للسماء. والذى ليس له علاقة بالسماء ليس له علاقة بالله. اللي مش مرتبطة بالسمطه مش مرتبطة بالله. ما هييش عارفة ربنا.

اللي ما بتش اللسماء يا جماعة ما هوش عارف مين هو ربنا. افلم ينظروا الى السماء - 00:09:14

فوقه افلم ينظر النزد ده القاضي بعد النظر في القضية حكمت المحكمة بكذا يعني ايه النزد في القضية؟ يعني مسك القضية قراه كلمة قال لي الكلام بتاعها. فالنظر ده معناها بوصوا للكون وتدبروا وتفكرروا. ما تضيعوش الفرصة على نفسكم. ما تضيعوش شاشات العرض العملاقة الجباره اللي قاعدة تعرف - 00:09:34

اربعه وعشرين ساعة مشاهد جلال الله وقدرة الله بصي فكري بص تأمل افلم ينظروا الى السماء فوقهم بس ما انتش هتركيبي ما انتاش هتركب طيارة وتسافر ما انتش هتركيبي قطر وتروحي. ارفعي بس وشك لفوق وبصي لجلال الله. وبصي للشاشة الجباره اللي بتعرض مشاعر جلال الله. ليل - 00:09:54

افلم ينظروا الى السماء فوقهم؟ كيف بنيناها وزيناها؟ وما لها من فروج والارض مدنناها والقينا فيها رواسي وانبتنا فيها من كل زوج بهيج. تبصرة وذكرى ايه؟ لكل عبد منيب. لكل عبد منيب. يبقى التدبر في - 00:10:14

في الكون ده بتاع المنبيين بتاع المنبيين. طب اقبلي الصفحة بقى شوفي ربنا بيقول واخلفت الجنة. الجنة بتجرى مشتاق. الجنة بتقرب مشتاق ازلفت الجنة للمتقين غير بعيد. خلاص الحلم اللي انت عشتوه عشان تنالوه في يوم من الايام. ده قريب منكم قوي. بقى بين ايديك. خلاص الجنة اهي - 00:10:34

الجنة اللي قمت الليل عشانها. الجنة اللي غضيت بصرك عشانها. الجنة اللي بعدت عن المحرمات رغم ان الشهوة جواك عشانها. الجنة اللي انت بعدت عن صحبة السوء عشانها ليلة لبست حجاب امهات المؤمنين في الحر النار عشانها. الجنة اللي انت اشتغلت في الدعوة عشانها. الجنة اللي انت صبرتوا عشانها. الجنة اللي انت خالفتم نفوسكم عشانها - 00:10:54

اللي انت سهرتوا الليالي عشانها. اللي انت عطشتوا بالنهار في الصيام عشانها. الجنة اللي انت دوست على نفسك مع واحدة بينك وبينها مشاكل. ولكن عشان الصحبة الصالحة. عشان اخت صالحة كسرت نفسك لها عشانها. الجنة اللي انت ضحيت بدمك عشانها.

الجنة اللي انت فضللت تتكلم ليل نهار عن ربنا عشانها. الجنة اللي انت استحملتها - 00:11:14

تعب واستحملتوا الفقر واستحملتم الزهد في الدنيا عشانها الجنة ازلفت الجنة. الجنة النهاردة هي اللي بتقرب منك. انت عشت طول عمرك انت اللي تقرب منها انت عشت طول عمرك انت اللي تسعى عليها. انت عشت طول عمرك تدور. ايه العمل اللي هيقربني منها يا رب ؟ اللي هيقربني منها مهما كان صعب علي. مهما كان تقليل على صدري. انا يا رب - 00:11:34

عمله عيشتي طول عمرك تشوقي اي حاجة توصلك للجنة وتعملها. النهاردة الجنة هي اللي بتقرب منك. النهاردة الجنة هي اللي جاية عشانك. النهاردة الجنة هي اللي مشتاقه لك النهاردة الجنة هي اللي بتجرى علينا يا جماعة واخلفت الجنة للمتقين غير بعيد خلاص دا ايوه هتبقي من اهلها دقايق - 00:11:54

هتطأ بها الجنة. دقايق وہتسبحي في انهارها. دقايق دقايق وہتطلع من فوق اعلى شلال فيها. وترمي نفسك مع الماء اللي نازلة تنزل مع الانهار المتتدفة تعود وما انتاش خايف ان يحصل لك اي اصابات. دقايق وہتبقي ملكة من ملكات الجنة. دقايق وہتدخل الجنة - 00:12:14

لوحة الله. دقايق وہتشربى من ايد النبي جواها. دقايق وہيتعمل لك اجمل فرح. على اجمل باب من ابواب الجنة على زوجتك وحبيبتك في الجنة دقايق وہتسكن في قصورك. دقايق وہتجنوا سمرة كل لحظة تعيتوا فيها عشان ربنا. دقايق وہمرة الدرس اللي انت بتسمعوه الوقت ده هتاخدوها - 00:12:34

وہمرة نفس اللي انا بقوله دلوقتي ان ربنا تقبل منا هناخدتها. واخلفت الجنة للمتقين غير بعيد. الحلم قدام عينيكم خلاص الحلم بقى بين ايديك وخلاص. هذا ما توعدون. هذا اسم اشاره للقريب. مش لذلك ما توعدون. هذا اللي قدام عينيك ده هذا - 00:12:54

كمابيوعدون لكل اواب حفيظ. من خشي الرحمن بالغيب وجاء بقلب منيب. اهي الكلمة اللي انا عايز اقولها ان الصفحة اللي قبلها ربنا بيقول طب سورة وذكرى لكل عبد منيب. التدبر ده هو اللي نمى الانابة في قلبك. التدبر - 00:13:14

ده بتاع المنبيين. بعد كده ربنا بيقول الجنة بتجرى على اه وجاء بقلب منيب. بتجرى على المنبيين. يعني ايه ؟ يعني التدبر ده هيخللي الجنة تشتق لك التدبر ده هيخللي الجنة تشتق لك. يا جماعة التدبر ده مش معنى عالي. الاخ العالى قوى او الاخت العالية قوى هي اللي تتدبر في الخلق. ربنا كلام ابو جهل وابو لهب في - 00:13:34

التدبر في الخلق ربنا قال لهم بصروا ربنا قال لهم فتحوا عينيكم الالحاد اللي بقى منتشر دلوقتي منتشر ليه ؟ ما حدش بيفكر. افلم ينظروا الى السماء فوقهم دي بس انتم والشباب طبقوها. ما فيش واحد هيلحد. ما فيش واحد هيفكر في انه يشك في وجود الله سبحانه وتعالى. الالحاد اللي بيعنتشر. تخيلي كده انت - 00:13:54

دخلت مكتبة من المكتبات لقيت فيها قصة بھرتك القصة ولقيت فيها رواية بھرتك الرواية اتشدیدت لك الكلام اللي فيها اتشدیدت لها لدرجة انك ما قدرتش تسيبها لحد ما خلصتها وانت واقف مكانك. رحت لصاحب المكتبة قلت له لو سمحت هي الرواية دي بتاعة مين ؟ قال لك مش بتاعة حد. قال له قلت له ازاي ؟ قال لك في قرد دخل هرب من صاحبه ودخل على - 00:14:14

الكمبيوتر قعد يضرب على الكيبورد قام مطلع الرواية ديت. لقيت قصيدة من الشاعر الجاهلي محبوبة علقها العرب على الكعبة زمان

صافي بهرت بها فبتقول له بتاعة مين؟ قال لك نفس القرد ضرب على الالة الكاتبة قام مطلع قصيدة الشعر الجاهلي ده. ده يبقى انسان عاقل يا جماعة؟ ده يبقى انسان عاقل يا اخواننا يدبر الامر - 00:14:34

يعني ربنا سبحانه وتعالى يعني احنا عندنا دلوقتي مسلا في المنصورة ازمة في المروي كبيرة جدا. وتأخذ المشوار في ساعة لانك ما انتاش عارف تمشي في الشوارع. ليه؟ اللي بنى البلد - 00:14:54

فيه من كام من كم ميت سنة ما كانش عامل حسابه من حاجة اسمها التكديس السجاني وان الناس هتزيد بعد فترة فما عملش حسابه ان يوم ما الناس تزيد تلاقي طرق تانية تتحرك - 00:15:04

فيها. انما ربنا سبحانه وتعالى لما كان على وجه الارض ادم وحواء بس كان نسبة الاكسجين واحد وعشرين في المية. لما مرت السنين والقرون وبقى على الارض سبعة مليار بني ادم. كل واحد بيسحب ستة وعشرين الف نفس في اليوم. كل نفس فيه نص لتر هو فضل نسبة الاكسجين واحد وعشرين في المية - 00:15:14

هو ده بقى اعجاز خلق الله سبحانه وتعالى. يا اخواننا التدبر. التدبر في خلق الله. انك تفكري. انك تفتحي عينك وتبصي للسماء. كنت مع بعض وانا في رحلة تدبر كده امبارح اول امبارح ها يعني بقول لهم سبحانه الله نفس الشمس اللي غيرت حياة سيدنا ابراهيم هي نفس الشمس اللي احنا بنبص لها ده ايه؟ نفس القمر اللي - 00:15:34

قلب قلب سيدنا ابراهيم هو نفس او اللي وجه قلب سيدنا ابراهيم لله هو نفسه الامر اللي احنا بنبص له ولكن القضية يا جماعة مين اللي بيبيص ويفكر مين اللي بيبيص كأنه بيبيص في ورقة جرائد ونبيجي بيبيص بيبيص ويقف عارفين عبادة التدبر دي ممكن تعمل فينا ايه؟ عبادة التدبر دي ممكن توقفك في ظل عرشك - 00:15:54

الرسول عليه الصلاة والسلام يقول عن الذين يقفون في ظل عرش الله يقول ورجل ذكر الله خاليها وهو لوحده ففاضت عيناه فضلت عيناه. يعني هو قاعد لوحده كده قعد يتدارب في الكون وقعد يفكر في جلال ربنا. اتأسر دموعه نزلت ووقف في ظل عرش الله. تدبر في الكون - 00:16:14

ممكن يوقفك في ظل عرش الله. ممكن يوقفك في ظل عرش الله. السيدة عائشة بيسألوها. ما اعجب ما رأيت من رسول الله صلى الله عليه وسلم. فقالت كان عمر قد عجب قالت لهم ليلة عجيبة اوي سابني ووقف يصلي قعد يبكي طول الليل لحد ما بل لحيته وبل صدره ودموعه نزلت على الارض عليه الصلاة والسلام - 00:16:34

ونام وهو بيبكي. سيدنا بالال يبيصحيه للفجر. جه يصححه لقاوه بيبيكي ما بيبيكي يا رسول الله؟ عليه الصلاة والسلام قال له لقد نزلت علي الليلة ايات. ويل نقرأها ولم يتذكر فيها. اوعوا تفتكرروا ان ترك التدبر في الكون ده حاجة تسعنا. ترك التدبر في القرآن جريمة. وكذلك ترك التدبر في الكون جريمة - 00:16:54

من لم يتدارب في ايات الله القرآنية فهو هاجر للقرآن. ومن لم يتدارب في ايات الله الكونية فهو هاجر. لایات الله برضو يا جماعة. ايه سيدنا بالال يبيقول له ما بيبيكي يا رسول الله عليه الصلاة والسلام؟ قال له انزل علي ليلة ايات. ويل لمن قرأها ولم يتذكر فيها. طب ربنا منزله الایات - 00:17:14

بالليل ليه؟ طب يا رب نزلوا الایات بالنهار. يا رب نزلوا الایات بالنهار عشان يبلغها. لا ربنا منزلا لها بالليل. عشان النبي يفضل يصلي بها. ويفضل يبكي منها. عشان النبي عليه الصلاة - 00:17:34

صام قبل ما يكلم الناس عنها يكون عاشهها هو بنفسه. قبل ما يدعوا الناس اليها يكون هو طبقها على نفسه. عشان ربنا يريد ان الایات تننزل على قلبك وقلبك الاول - 00:17:44

قبل ما نكلم الناس فيها ربنا منزلا لها بالليل ليه؟ النبي عليه الصلاة والسلام قاعد يبكي قال له انزل علي ليلة ايات. ويل لمن قرأها ولم يتذكر فيها. اللي فكرش في الایات ده مجرم في حق نفسه. قال تعالى ان في خلق السماوات والارض واختلاف الليل والنهار لایات لاولي الالباب - 00:17:54

الذين يذكرون الله قياما وقعودا وعلى جنوبهم. امتى هنوصل للمقامات دي يا جماعة؟ ويتفكرن في خلق السماوات والارض يبقى

آيات نازلة في التدبر في خلق الله ام سلمة تقول خرج رسول الله صلى الله عليه وسلم من بيته فنظر إلى السماء وكان كلما خرج من -

00:18:14

من بيتي نظر إلى السماء لما ابن عباس بات عند خالته ميمونة وشاف زوجة النبي عليه الصلاة والسلام وشاف النبي أول ما صحي لقيام الليل النبي عمل ايه ؟ نظر إلى السماء فقط - 00:18:34

قرأ خواتيم ال عمران ويتفكر في خلق السماوات والارض. النبي كان ييشحن قلبه لقيام الليل بالنذر في السماء. النبي عليه الصلاة والسلام كان ييشحن قلبه بالتدبر في الخلق. يا جماعة - 00:18:44

النبي عليه الصلاة والسلام العبادة الوحيدة اللي كان بيعبد ربنا بها قبل ما يبقى النبي كانت التدبر. يعني اللي عايز بيبدأ من التدبر يعني ممكن العبادة اللي ربنا اصطفها - 00:18:54

هي التدبر. يعني عايزه تبدأي بتأديب علاقتك بالكون. عشان كده ربنا سبحانه وتعالى يقول في اول اية في القرآن اقرأ باسم ربك الذي - قلق في اول اية في القرآن ربنا فتح لنا اعظم طريقين. نوصل منهم اليه. اقرأ ايات الله القرآنية. الذي خلق ايات الله الكونية. القرآن - 00:19:04

الكون هم دول الحاجتين اللي هيوصلوك لربنا. هم دول الحاجتين اللي هيوصلوك لربنا. عشان كده تلقي سورة ربنا يقول تبارك الذي نزل الفرق قام على عبده تبارك الذي نزل الفرقان على عبده. القرآن وفي اية تانية تبارك الذي بيده الملك وهو على كل شيء قادر. الكون الذي - 00:19:24

خلق السماوات والارض. تلقي اية ربنا يقول الحمد لله الذي انزل على عبده الكتاب. دي في اول سورة تانية الحمد لله الذي خلق السماوات والارض يعني ربنا زي ما بيففتح بالكلام عن القرآن بيففتح بالكلام عن الكون. يعني القرآن والكون هم اكتر حاجتين هيوصلوك لربنا عبادة التدبر في خلق الله. عبادة - 00:19:44

ربنا بيقول لا تمدن عينيك. يعني عينيك هتبقى عاملة زي كان لها ايدين هتتمد على الدنيا. هتموت على الموبایلات. هتموت على الشهوات. هتموت على العمارات عينيك دي ممكن تضيعك وممكن ترفعك. عينيك دي ممكن تضيعك لو بصيت فيها على موقع وحش. وممكن ترفعك لو بصيت فيها على الاء الله وعلى ايات الله - 00:20:04

سبحانه وتعالى قضية كبيرة قوي يا جماعة. قضية التدبر في الكون. قضية ان احنا نوصل نبقي عباد منيبين. قضية ان احنا نحقق المعادلة داهية. لو بقينا عباد منيبين الجنة هتشتاق لنا. يعني ايه ثواب التدبر في السورة ؟ ان تشتق لك الجنة. ان الجنة هي اللي هتجري عليك يوم القيمة. ايه ثواب التدبر؟ انك انت تقع في ظل عرش الله يوم - 00:20:24

القيامة ايه سواب التدبر لو بكت وانت خالي تتدبر في خلق الله ؟ ثواب التدبر ثواب كبير اوبي اوبي. ثواب كبير كما يقول الحسن البصري تدبر او تفكك ساعة خير من قيام ليلة. يعني ساعة قدام منازر طبيعية. قاعدة تسبحي ربنا عليها. وتبعي عليها بتسبح عظيم - 00:20:44

خير من ايه ؟ من من قيام ليلة التفكير حاجة عظيمة جدا يا اخواني. طيب نكمel بقى في الوقفات مع السورة. الوقفة القادمة اعلم ما تووس به نفسه. ان ربنا يعلم الخواطر اللي انت بتفكري فيها. ربنا يعلم الخواطر اللي انت نايم بتحلم بها. ربنا يعلم - 00:21:04
خواطر اللي احنا بنفكر فيها يا جماعة. ولقد خلقنا الانسان ونعلم ما تووس به نفسه. ونحن اقرب اليه من حبل الوريد. هنا ربنا بيقول ايه فيلفظ من قول الا لديه رقيب عتيد. بيقى ربنا اتكلم هنا عن درجتين من الرقابة. الدرجة الاولى ما يلفظ من قول الا لديه رقيب عتيد. انك كل ما - 00:21:24

هتفقول كلمة او تلفزي من قول في انتين هيكتبواه. طيب وبعد كده اه وقبلها قال ونعلم ما تووس به نفسه. لا ده درجة علم رباني تانية بقى. ان خواطر صدرك الله يعلمها - 00:21:44

فدي درجة من درجات المراقبة لله. ودي درجة من درجات المراقبة لله. فيه ناس بتراقب الله في اعمالها واقوالها. وناس بتراقب الله حتى في خواطيرها. حتى في خاطر ترى عشان كده في الحديث اللي آآ يعني آآ حسنه الشيخ الالباني عن النبي او حسنه يعني يعني

بعض علماء الحديث اذكر منهم شيخ الالباني آآ النبي عليه الصلاة والسلام - 00:21:54

يتكلم عن حق الحياة فقال ان تحفظ الرأس وما وعى. يعني حتى خواطر رأسك انك تحفظها حياء من الله. يعني ده من معانى الحياة الرهيبة العظيمة ونعلم ما توسوس به نفسه. يا ترى نفسك بتتوسوس لك بايه؟ يا ترى بتفكيرى في ايه؟ يا ترى بتخلص بايه؟ يا ترى لما بتحط راسك على المخددة بتخلص بايه؟ حاجة ترضي ربنا - 00:22:14

تضىء ربنا. يا ترى احلامك ايه؟ يا ترى طموحاتك ايه؟ يا ترى اللي جوانا ايه يا جماعة؟ لها ربنا سبحانه وتعالى يقول سبحانه وتعالى آآ في سورة الحقة آآ وهو يتحدث عن العرض عن الله سبحانه وتعالى. والانسان يعني امام الله سبحانه وتعالى يعرض وكل - 00:22:34

كل ما في داخله مفتوح كالشاشة المفتوحة امام الله وهي من قبل ومن بعد. يعني امام الله سبحانه وتعالى. انت عارف انك تقف بين ايدين ربنا وانت حاسس انك بس مش من برة من جوة. ان انت قلبك عاري. ان انت نفسك عارية. ان انت كل شهواتك. وكل ملذاتك وكل طموحاتك في - 00:22:54

المطامع الدنيا كلها عارية. امام الله سبحانه وتعالى. انك انت تحس بالاحساس حصل ما في الصدور. ان اللي جوة قلبك اه كله مكشوف قدام ربنا سبحانه وتعالى ونعلم ما توسوس به نفسه. فيه فرق بين رقابة البشر ورقابة الله للبشر. يا جماعة. يعني الرجال اللي كان قتل - 00:23:14

الممسلة او المغنية او الراقصة في الامارات اه جابوه منين؟ جابوه منين؟ قال لك وهو خارج اه بعد ما قتلتها في الشقة بتاعتها وهو فارق كاميرون المراقبة بتاعة العمارة لقطت ياقه القميص لقطت الماركة بتاعة شقة القميص او الرقم اللي مكتوب على يقتل القميص من جوة فجابوا المحل اللي هو - 00:23:34

اشترى منه القميص وبعد كده جابوا مين اللي اشتري القميص ده في يوم من الايام لأن القميص ده بيتأخذ حصر في المحل ده وبيتوزع على تمنتاشر محل بس في الامارات تقريبا يعني - 00:23:54

وجاجابوا هو اشتري مين اللي اشتري في يوم ايه؟ من انهي فرع؟ وقبضوا عليه. وقالوا له انت اللي كنت نازل في الوقت ده بعد جريمة القتل مباشرة يعني وبتوع الطب الجنائي بيجيروا انها اتقتل في نفس الوقت اللي ده كان نازل فيه من العمارة. يعني ايه يا اخوانا؟ يعني دي رقابة البشر للبشر. انت الوقتي ممكن تدخل على - 00:24:04

فوق الارث ت Shawf الشارع اللي انت ساكن فيه. الشارع اللي انت قاعد دلو قتي بتتكلم فيه. دي رقابة البشر للبشر يا جماعة. ومال رقابة رب البشر للبشر؟ ومال رقابة الله للبشر؟ ومال - 00:24:24

ربنا لنا ونعلم ما توسوس به نفسه ونحن اقرب اليه من حبل الوريد. حبل الوريد اللي هو الوريد اللي في الرقبة اللي اربط ما بين القلب والمخ. اللي بيربط اللي بينزل الدم بتاع المخ للقلب. ونحن اقرب اليه من حبل الوريد. اللي بيربط ما بين مصدر فكرك ومصدر مشاعرك - 00:24:34

اذ يتنقل ومخك وقلبك. اذ يتلقى المتقليان عن اليمين وعن الشمال قعيد. اذ مستنيين لك كلمة. مستنيين كلمة ما يلفظ يلفظ يعني كلمة اه دي لفظ اي حاجة خرجت من لسانك او لسانك. فور فور بس ما تخرج الكلمة. اذ يتلقى فعل مضارع كأنهم قاعدين لك - 00:24:54

ربنا سماهم المتقليان من كتر ما هم محترفين في كتابة اعمالك عليك. عن اليمين وعن الشمال قعيد. قعيد ديت اللي ما بيقدرش يتحرك او لمصاب في اطرافه بتسمى قائد ليه لا نقعد مكانه. على طول فتخيلوا دول قاعدين على طول دول لا يغادروا مكانهم. ما يلفظ من قول ما يلفظ مجرد اي - 00:25:14

من قول الا لديه رقيب. رقيب مستنيه بيراقبه مستني كلمة بس تطلع منه. عتيد معد لان يكتب عليه زي ما ربنا قال يعلمون ما تفعلون معد لا يكتب اي شيء يعرف يحصي كل شيء على الانسان. يعني قضية الرقابة يا جماعة. مين فيينا بيراقب ربنا؟ مين فيينا خايف من رقابة ربنا ليه - 00:25:34

مين فينا مستشعر رقاية ربنا ليه دلوقتي؟ مين فينا خايف وبيفتكر الايات ديت انك انت تكتب قدامك كده قدام سيريك او قدام السرير اللي انت بتتامي عليه ونعلم ما تووسس به نفسه. وتشوفي بقى هتجيب لك ايه الايات ديت انك تكتب آما يلفظ من قول الله لديه رقم - 00:25:54

عديد الوقفة اللي بعد كده في هذه الايات قول الله سبحانه وتعالى قال قرينه ربنا ما اطفيته ولكن كان في ضلال بعيد قال لا تختصموا لدلي وقد قدمت اليكم بالوعيد. وقال قرينه ربنا ما اطفيته. ايه ده يا جماعة؟ ده اسمه العرض على الله -

00:26:14

العرض يعني ايه العرض؟ يعني لما اقول لك انا عندي لك عروسة. طب اعرضها علي. هات لي صورتها وربها لي. انا عندي لك عربية اعرضها علي. قالتها لي اشوفها. ببقى يعني ايه العرض - 00:26:34

يعني ايه انك هتعرضي على الله؟ يعني انك هتعرض. يعني لما عربية بتعرض عليك هتقبلها ولا مش هتقبلها؟ لما انت هتعرضي على الله. يعني ده ربنا هيقبلك ولا مش هيقبلك؟ هيقبلك تجاوريه في - 00:26:44

الفردوس الاعلى ولا القلب ده ما ينفعش؟ للمقام ده العرض على الله يعني ايه يا جماعة؟ يعني ربنا اداك فطرة واداك فطرة وانت داخل الدنيا دي اداك فطرة فابريكة فترة مليانة - 00:26:54

حبي لله و مليانة طهارة. الفترة اللي احنا لو ثناها في الدنيا في العرض على الله تعرض الفطرة دي مرة تانية. زي ما ادبك عربية اه هاي كلاس عربية فبريكه عربية - 00:27:04

زورو عربية بالسولوفان اللي عليها. وبعد خمس سنين اقول لك هات لي العربية بقى اما ابص فيها. اشوف انت بدلت فيها قد ايه؟ انت بوزت فيها قد ايه؟ ولا العربية سليمة زي ما هي. فرب - 00:27:14

ربنا سبحانه وتعالى في نهاية اه في يوم القيمة هيجيب فطرتك هيجب قلبك وهيعرض عليه. يا ترى فطرتك زي ما سلمتها لك في الدنيا؟ مليانة لسه حب لله ولا الذنوب طمست عليها ولا بقت فطرة متفحمة بالذنوب. ببقى دي قضية العرض على الله. موقف رهيب يا جماعة. موقف العرض على الله موقف رهيب. موقف ما بيفكرش - 00:27:24

شفيق رغم ان عملنا بتعرض على الله كل يوم مرتين. بعد صلاة العصر وبعد صلاة الفجر. اعمالنا بتعرض على الله مرتين كل يوم. الملائكة بتترفع تقرير عنك كل اتناثر ساعة لربنا سبحانه وتعالى. ورغم ان اعمالنا بتعرض على الله كل اسبوع مرتين. كل يوم اتنين وكل يوم خميس. ورغم ان اعمالنا بتعرض على الله كل سنة في شعبان - 00:27:44

في في وقت لا يعلمه احد في شعبان بتترفع اعمال الصحيفة كلها. يعني شعبان اللي لسه عليه شهر دوت هو رفع اعمال السنة اللي فاتت كلها. الى الله سبحانه يا ترى جهزنا للعرض على الله؟ يا ترى جهزنا للحظة العرض على الله؟ جهزت للحظة ديت. قلبك لو عرض على الله الان. ربنا يقول القلب ده يجاورني في الفردوس الاعلى - 00:28:04

قلبك لو عرض على الله الان. ربنا يقول القلب ده يجاور الحبيب محمد. عليه الصلاة والسلام في الفردوس الاعلى. جهزتوا لاسئلة العرض يا جماعة. اسئلة العرض على الله اه عارفين ربنا بيسأل العبد ساعة العرض على الله بيقول له ايه؟ عارفين من ضمن الاسئلة ايه؟ يعرض الخالق على الله اسر من الاثار فيأتي الله بالاغنياء - 00:28:24

فيقول ما شغلكم عن عبادي؟ فيفتقوا فيقولون شغلتنا اموالنا يا رب. ثم يأتي بالفقراء ما شغلكم عن عبادي. فيقولون شغلنا كورونا وبختنا عن رزقنا يا رب. فيأتي بالشباب والاقوياء ما شغلكم عن عبادي. شغلنا قوتنا وشبابنا وجمالنا يا رب - 00:28:44

ثم يأتي بالمرضى والضعفاء ما شغلكم عن عبادي. فيقولون شغلنا مرضنا يا رب. الناس كلها كانت مشغولة عن ربنا. الغني مشغول بفلوسيه مشغول بفقره السليم مشغول بصحته. والمريض مشغول بمرضه. ما شغلكم عن عبادي. السؤال ده لو ربنا سأله لك. هتقولي ربنا ايه؟ السؤال ده لو الله سبحانه وتعالى - 00:29:04

سألك هذا السؤال هتقولي ربنا ايه؟ هتقول لربنا ايه سبحانه وتعالى؟ لو ربنا سبحانه وتعالى سألك هذا السؤال. ماذا ستقول لله؟ ما شاء لكم عن عبادي. من ضمن الاسئلة اللي هتتسائل لك في العرض على الله. سؤال يدعوه الله بعده يوم القيمة. الملائكة تجيئه لله

سبحانه وتعالى. فيقول الله - 00:29:24

امرتك ان تدعوني ووعدتك ان استجيب لك. فهل كنت تدعوني؟ السؤال ده لما يتسائل لك هل كنت تدعوني؟ ربنا هيأسأك عن الدعاء في العرض على الله هيأسأك عن الدعاء رفعت ايدك لي كم مرة؟ في كل كرب مر عليك رفعت ايدك لي ولا ما رفعتش ايدك لي؟ هل كنت تدعوني - 00:29:44

فما من دعوة دعا بها العبد المؤمن في الدنيا الا اقره الله عليها. ربنا يجيب له كل الدعوات اللي دعا بها. كل مرة قلت يا رب كانت غالبة قوي يا عبد - 00:30:04

ربنا ربنا يقرك عليها يوم القيمة. يا اخوانا انا عايز اقول ايه؟ عايز اقول من المواقف الرهيبة في العرض على الله. موقف لما يأتي بالاسلام موقف الحسن البصري يؤتى بالاسلام - 00:30:14

يوم القيمة فيقول يا رب هذا نصرني ويا رب هذا خذلني حتى اذا جيء بعمر بن الخطاب قال الاسلام يا رب كن غريبا حتى اسلم عمر يعني في العرض على الله الاسلام هيشهد عليك. في العرض على الله الاسلام هيشهد عليك. في العرض على الله الاسلام هيشهأ - 00:30:24

علينا يا جماعة. يا ترى الاسلام هيشهاد عليك بايه يوم القيمة؟ يا ترى الاسلام هيشهاد عليك بايه يوم القيمة؟ لما تعرضي على الله ويأتي الاسلام ليشهد. علينا من المواقف الرهيبة - 00:30:44

شف العرض على الله. حينما يقول الله عبدي مرضت فلم تعدني. يا رب كيف اعودك وانت رب العالمين؟ ربنا يعاتب الناس انك مرضت في يوم من الايام والناس ما زارتكم. شف ود ربنا سبحانه وتعالى وفي نفس الوقت ربنا يعاتبك ان واحد صالح مرض وانت ما زرتون وانت ما عدت - 00:30:54

مش وانت ما كنتش معه العرض على الله يا جماعة. العرض على الله من المواقف والرهيبة. ادي موقف اهوت. ربنا سبحانه وتعالى ده عرض ثانى واحد وصاحبه. واحد وانتيمه اتنين كانوا متصاحبین في المعصية مع بعض. والاثنين واقفين من ايدين ربنا. وصدر الحكم القى في جهنم كل كفار عنيد. ارموا الاتنين في جهنم. فيقوم - 00:31:14

قرین السوء قال قرینوه ربنا ما اطفيته. ولكن كان في ضلال بعيد. قال لا تختصموا لدی. وقد قدمت اليکم بالوعید ما يبدل القول لدی وما انا بظلم للعبد. الموقف الاخير اللي هنقف معه يا جماعة في سورة قاف. الموقف الاخير قول الله - 00:31:34
وتعالى واستمع يوم ينادي المنادي من مكان قريب. استمع استمع ازاي يا رب؟ ده انا لسه في الدنيا ومش سامع حاجة. اسمع بقلبك. سمعي نفسك من الوقتي اسمع بقلبك الآيات اللي قبلها ربنا بيقول ايه؟ ربنا بيقول وتصبر على ما يقولون وسبح بحمد ربك قبل طلوع الشمس وقبل الغروب ومن الليل فسبح - 00:31:54

تحوى ادبار السجود. ان الانسان حياته تبقى موصولة بالله. انك انت تعيشي قلبك مع الله. بالنهاي بتسبحي. بالليل بتسبحي. في كل وقت بتسبحي. زي النبي عليه الصلاة والسلام سلام. يشوف الشمس بتغيب. يقول لهم اتدرون اين تذهب الشمس؟ اتدرون اين تذهب الشمس؟ تذهب لتسجد تحت عرش الله. النبي عليه الصلاة والسلام - 00:32:14

بيقول لك الشمس في غروب مستمر فالشمس في السجود مستمر. النبي عليه الصلاة والسلام يشوف ام بتحضن ابنها. يقول لهم اترون هذه طارحة ولدها في النار؟ والله في حبيبه في النار لله ارحم بعده من هذه بولدها. النبي عليه الصلاة والسلام يشوف القمر يقول للصحابة انكم سترون ربكم لا - 00:32:34

ينضمون في رؤيته كما ترون القمر ليلة البدر. النبي عليه الصلاة والسلام. شف الشمس يفتكر ربنا. شف القمر يفتكر ربنا. يشوف ام بتحضن ابنها يفتكر ربنا. النبي عليه الصلاة استاز عصام قلبه مع الله. انت قلبك مع الله. عشان كده الصورة بدأت بالكلام عن التدبر. وانتهت بان القلب يعيش مع جلال الله ليل نهار. ويسبح جلال ربنا ليل نهار - 00:32:54

لان هو التدبر اللي بيخللي قلوبنا مع الله يا جماعة. التدبر اللي بيخللي قلوبنا في حياة قلب مع الله. مستمرة منشغلة بالله دائمًا. واستمع يوم ينادي المناد. الله! يعني ربنا قال ومن الليل فسبحه وادبر السجود بعد كده واستمع. يعني امتى هتسمع؟ هتسمع لما تعبد.

يظهر. يعني اللي مش مخليك سامع الوقتي. اللي مش مخليك قادر تسمع نداء ربنا الوقتي. ان انت قلبك لسه فيه حجب من الشهوات والشبهات معنى انك تسمع هو ربنا قال استمع امتى ؟ لما قال سبح. لو سبحت لو عبدت ربنا، لو قربت من ربنا، لو قلبك طهر. ركعتين
قلبك ينضف فيهم. بعد كده جرب، انك تسمع، - 00:33:34

يعني قبل ما تسمع درس ايماني لو انت عايز تاخذ قرار توبة الى الله. قبل ما تسمع درس قم اتوضاً وصل ركعتين. وخلی قلبك يتوصل بالله. بعد كده اسمع. اسمع بعد - 00:33:54

بكون استغفرت شوية. شف قلبك هيسمع قد ايه. شف قلبك هيتلقى الكلام عن الله قد ايه. واستمع يوم ينادي المنادي من مكان قريب. المنادي كان بينادي في الدنيا بيقول توبوا لربنا ما كانش حد راضي يسمع. النهاردة المنادي لما هينادي يقول هلموا للعرض على الله. ما حدش، هقدر بنطة. يوم ينادي، المنادي، من مكان قريب - 04:34:00

يُسمعون الصيحة بالحق بعد ما التراب بتابع اجساده متجمع تحت التراب والاجساد اتجمعت تحت التراب بعدها تنفس الارواح في الاجساد تحت التراب ثم تنشط فك القبور فتصعد الاجساد من تحت التراب موقف رهيب يا جماعة. يوم يُسمعون الصيحة بالحق وهم حوة الامور بتابعهم سمعوا النداء. ذلك يوم الخروج - 00:34:24

انا نحن نحيي ونميت والينا المصير يوم تشقق الارض عنهم صراعا. يبقى شف المنزr سمعوا الصيحة وهم لسه تحت التراب وبعد كده الارض اتشقت فخرجوا من اجل البعث. وخرجوا يلبون المنادي الذي ينادي بهم الى ارض المحسر. استعدادا لتطاير الصحف للكي -

00:34:44

يدخلوا في العرض على الله وتعرض اعمالهم على الله. يعني الخاتمة بتاعة سورة القاف خاتمة تزلزل القلب. خاتمة سحي القلب الميت. مش تصحي القلب النايمه يا جماعة خاتمة بتحسستنا ان في احداس خطيره. احنا غافلين عنها واستمع يوم ينادي المناد من مكان قريب. والناس لسه بالتراب بنتاهم - 00:35:04

الجامع تحت الارض وبعد كده الارواح نفخت بدأوا يحيوم ولكن لسه في المقابر. يوم يسمعون بدأوا يسمعوا بقى يبقى استمع يوم يسمعون. يبقى اسمع النهاردة قبل ما تسمع بكرة. عشان كده مش اسمع يوم ينادي. استمع. استمع ديت فيها افتعل. فيها شيء من المواجهة عشان تقدر تسمع. جاحد - 00:35:24

من النهاية عشران تسعة - النهاية نهائين

من النهاردة عشان تسمعي النداء ده. نداء رينا قبل ما بكرة تسمعيه بعد ما يكون كل حاجة راحت. جاحد من النهاردة. اتعب عشان ربنا من النهاردة. اتعبي عشان طوبة من النهاردة اتبعوا مع سورة قاف قاف النهاردة. اتعاب الليلة مع سورة قاف وانت بتصلني بها. وانت بتتدبرى في معانيها. وانت عايش مع اياتها. انبعوا النهاردة يا جماعة عشان - 00:35:44

ويكراة يوم يسمعون الصالحة بالحق، وهم لسه حوة القبر، ذلك يوم الخروج هيخرجوا اهـ

الله رب العالمين

بسطل بسرعة بسرعة - 00:36:24

متين تلميذ ملياربني ادم طالعين من تحت التراب - ٠٠:٣٦:٤٤

في الدنيا ده هو في ظل الصدقة بتاعته. واحد طالع - 00:37:04

كان متوجز اتنين وكان ظالم واحدة على حساب واحدة. واحد طالع قد الحشرة قد تدوس برجليه. كان حاكم ظالم متكبر. ودي عقوبته واحد طالع قاعد يقول لبيك اللهم لبيك. مات ومحرم وبيني ربنا. مات وهو في عمرة او في حج. واحد طالع ريحته مسک مات شهید - 00:37:24

اللون لون دم وريحة رحمة مسک. واحدة طالعة بيادي و استريتش مدبه دي كان ماتت متبرجة. ماتت مش لابسة حجاب امهات المؤمنين. ماتت مش ما كانتش على في الدنيا وهكذا الناس طالعة مليارات. والموقف رهيب يموت بعضهم في بعض ذلك حشر علينا يسيير. مش ذلك حشر يسيير علينا - 00:37:44

علينا تفید الاختصاص ان يسیر على الله بس. نحن اعلم بما يقولون. التهدید في النهاية. ربنا بيقول له انا اعلم كل حاجة بتتقاول. انا اعلم كل کلمة بتتقاول في برامج التوك شو. وكل کلمة اتقالت خلف الستارة في الاعداد للبرنامج قبل ما البرنامج يتقال. نحن اعلم بما يقولون. اوعوا - 00:38:04

اتهزوا بقوة وتحزنوا نحن اعلم بما يقولون. اوعوا تحزنوا من الكلام بتاع اهل الباطل على الحق. وما انت عليهم بجبار. مش هتقدروا تجبرهم. فذكر بالقرآن من يخاف وعيid فابتدايات السورة والقرآن المجيد وختمت السورة فذكر بالقرآن. فابتدايات السورة بالكلام عن القرآن وختمت - 00:38:24

الكلام عن القرآن سورة قاف سورة ايقاظ الانسان من الغفلة يا جماعة. كلمتنا عن الجنة کلام يدوب القلب. كلمتنا عن التدبر في الكون کلام يدوب القلب. كلمتنا عن فرع السابقين قوم تبع واصحاب الايكة کلام يروي بالقلب. كلمتنا عن رقابة الله لنا نعلم وتوسوس به نفسه الكلام ده وبالقلب. كلمتنا عن الزهول بتاع الغافل - 00:38:44

يوم القيمة وفي الموت کلام يدوب القلب كلمتنا عن العرض عن الله کلام يدوب القلب كلمتنا عن لحظة البعض في النهاية بتاعتها کلام يدوب القلب سورة قاف فكشفنا عن كفطاءك. الصورة اللي هتخليك لو فهمتها لو انت عشت بقلبك معها غطاء الغفلة هيتكشف عنك. مين النهاردة ربنا هيكتشف عنه غطاء الغفلة؟ وهو بيصللي قيام - 00:39:04

البسور القاف يا جماعة. مين النهاردة ربنا هيوقف قلبه؟ مين النهاردة هيبقى ولادة قلب؟ هيبقى يقزه قلب وهو عايش مع سورة قاف يا جماعة هزه السورة العظيمة كان النبي صلی الله عليه وسلم بيقرأها كثيرا على المنبر في خطبة الجمعة. لدرجة ان الصحابة حفظوها من كتر قراءة النبي له عليه الصلاة والسلام على المنبر في خطبة الجمعة. معناها انه - 00:39:24

الصورة بتزلزل القلب. صورة بتتصحي. صورة بتقلب حياة الانسان اللي بيسسلم قلبه لها. سلموا قلبكم الليلة لسورة قاف. عيشوا الليلة مع سورة قاف. ربنا بيارك فيكم اديتكو اخوانى واخواتي في الله لا اختتم هذا اللقاء حتى اذكركم بم مشروع الورش الایمانية يا جماعة. يا اخوانا لما فكرتوا مشروع المعهد القرآني - 00:39:44

دعوي جميل جدا بفضل ومنة الله سبحانه وتعالى ولكن ده مشروع منهجي للناس اللي عايزة تبقى طبلة علم وعايزه تبقى دعاء الى الله في المستقبل بازن الله سبحانه وتعالى. آ ربنا يعينهم ويسددهم - 00:40:04

الدرس العام ماشي بنلتقي مع بعض وربنا يعني ايه بيرزقنا ما شاء من الموعظة والتذكرة وفهم ايات القرآن ولكن يا جماعة في حاجات ناقصة انا فكرت لقيت حاجات ناقصة لو ما اتعلملتش مش هتتربوا يا جماعة. خلونا صادقين خلوني ابقى صادق معكم. لو ما اتعلملتش انتمش هتكتروا. موضوع الترابط والتواصل اللي بينكم. بدون - 00:40:14

بيئة ايمان وبدون صحبة ما حدش يقدر يرتفق. فعشان كده عملنا الورش. وركزنا على مشروع الورش رمضان يا جماعة لسه عليه سبعين يوم. بدون ما يكون فيه صحبة تسخنه بقى - 00:40:34

اه وتسمعوا برامج رمضان مع بعض وتسمعوا دروس رمضان مع بعض. وتجيبوا دروس رمضان دلوقتي وتبدواوا تسمعوا فيها. بدون ما تعملوا كده مش هتسخنوا اخوانا مش هتسخنوا على رمضان مش هتسوقوا قيمة رمضان. يبقى قيمة الورشة كذلك. طيب الجولة اللي احنا بنعملها قبل الدرس ده وقبل درس الجمعة عشان تقدروا تشجعوا بعض لازم يبقى فيه ناس - 00:40:44

في صحبة في قضية الصحة غير ان في دروس خطيرة جدا على الغرفة الصوتية. احنا لما هتتعرفوها بعض هتبدواوا تحضروها.
فتبدأوا تربوا يبقى فيه انفتاح تربوي تربوا على ايد الجميع تستفيدوا من الجميع. عشان كده يعني آآآ موضوع آآآ الورش يعني انا
كنت لسة قبل الدرس في اجتماع آآآ - 00:41:04

آآآ سريع مع قادة الورش. مع قائدات آآآ الورش. آآآ يعني عشان ايه؟ عشان آآآ نبدأ يعني الدنيا تبقى مترتبة آآآ بينكم وبينهم يا اخوانا اللي
ما سجلتش في ورشة تسجل في ورشة. اللي ما سجلش في ورشة يسجل في ورشة. يا اخوانا الورش في غاية الاهمية. انا السنة اللي
فاتت اعتكف اعتكاف العشر الاواخر من رمضان - 00:41:24

مع ثمرة ورش درس الجمعية الشرعية. آآآ في هذا العام. فضل منة الله. الورش بتخرج سمرة عالية. بلاش يعني انا يعني من احد
اخواننا واحد حبيب قلبي ومن اكسر الاخوة انضباطا في الدرس بفضل الله. الاخ ده من سنة كان شاب ماشي غير ملتزم في الشارع.
احد اخواننا نازل جولة جابه. قام - 00:41:44

دخلوا على الورش. دخل على الورش فضل من بيت الله صحبة امنية انطلق. دلوقتي شغال في الدعوة شغال في حاجات كتير. فضل
ومنة الله سبحانه وتعالى وفي حفظ القرآن. يعني لما دار البيان - 00:42:04

اللي تحت بيتي اللي يعني اخوانا يعني اللي بيحفزوا فيها القرآن مشروع المحطات السبعة ومشروع صنع تلاوتك. اما باجي
كده والاقيها ما شاء الله مليانة شباب و مليانة طبعا بالنهار بتبقى مليانة نساء. آآآ وبعد الظهر بقى مليانة شباب. و مليانة ناس قاعدة
تحفظ و مليانة. الواحد بيبقى قلبه طاير يا جماعة من الفرحة - 00:42:14

في ناس يا اخواننا عايزة تربى في ناس عايزة توصل لربنا الناس دي احسن منك في ايه والناس دي احسن منك في ايه بوصيكم
جميعا بمشروع الورش اليمانية في رقبتكم يا جماعة اوعوا - 00:42:34

ضيعوا الفرصة العظيمة ديت اوعوا تضيعوا الفرصة الكبيرة ديت واللي عايزة منكم او عايزة منكم يدخل المعهد القرآني الدعوي لا تزال
الفرصة سانحة ربنا يسدكم وربنا يبارك فيكم وربنا يحفزكم. اسأل الله سبحانه وتعالى اللهم ايقظ قلوبنا. اللهم اهد قلوبنا. اللهم ان
قلوبنا. اللهم املأ قلوبنا - 00:42:44

بما ملأت به قلوب عبادك الصالحين. اللهم اعم صدورنا بما عمrt به صدور الصديقين. اللهم اقمنا على مرادك منا. اللهم قوي في
رضاك ضعفنا اللهم استخرج منا ما يرضيك عنا يا ربنا. اللهم استعملنا ولا تستبدل بنا. اللهم استعملنا ولا تستبدل بنا. اللهم استعملنا ولا
تستبدل بنا برحمتك يا رب - 00:43:04

ارحم الرحيمين. سبحانك الله وبحمدك اشهد ان لا الله الا انت استغفرك واتوب اليك - 00:43:24